

8.3 GIZARTE POLITIKEN, ADINEKOEN ETA HAURREN SAILAK ESKAINTZEN DITUEN ZERBITZUEN PREZIO PUBLIKOAK.**KONTZEPTUA**

Arabako Toki Ogasunak arautzen dituen uztailaren 19ko 41/1989 Foru Arauaren 2.1.h artikuluan eta, horren haritik, 43.ean xedatutakoaren ildotik ezartzen dira "Gizarte Politiken, adinekoen eta haurren Sailaren zentro eta zerbitzuengatik ordaindu beharreko prezio publikoak", zein ordenantza honetan arautzen baitira.

ZENBATEKOAK

Hauek izango dira tarifak:

Lehen tarifa: Etxean laguntzeko nahiz otorduak etxera banatzeko zerbitzuaren prezio publikoa.

| Hileko per capita errenta | | ELZen orduko prezioa | Otorduak (bakoitza) | Gehienez ordaindu beharrekoa, per capita errentaren gainean |
|---------------------------|-----------------|----------------------|---------------------|---|
| 343,42 euro | edo gutxiago | 0,24 euro | 1,19 euro | ehuneko 25 |
| 343,43 euro | - 429,28 euro | 0,29 euro | 1,96 euro | ehuneko 30 |
| 429,29 euro | - 515,13 euro | 0,34 euro | 2,94 euro | ehuneko 35 |
| 515,14 euro | - 600,99 euro | 0,48 euro | 3,37 euro | ehuneko 40 |
| 601,00 euro | - 686,84 euro | 0,64 euro | 3,59 euro | ehuneko 40 |
| 686,85 euro | - 772,70 euro | 1,12 euro | 3,69 euro | ehuneko 40 |
| 772,71 euro | - 858,55 euro | 1,71 euro | 3,91 euro | ehuneko 40 |
| 858,56 euro | - 944,41 euro | 2,39 euro | 4,02 euro | ehuneko 40 |
| 944,42 euro | - 1.030,26 euro | 3,27 euro | 4,23 euro | ehuneko 40 |
| 1.030,27 euro | - 1.116,12 euro | 4,29 euro | 4,57 euro | ehuneko 40 |
| 1.116,13 euro | - 1.201,97 euro | 4,69 euro | 4,67 euro | ehuneko 40 |
| 1.201,98 euro | - 1.287,83 euro | 5,04 euro | 5,21 euro | ehuneko 40 |
| 1.287,84 euro | edo gehiago | 5,37 euro | 5,76 euro | ehuneko 40 |

- a) Hileko per capita errentatzat hauxe joko da: familia-unitateak azken ekonomia-ekitaldian guztira izandako diru-sarrera dagokien kopurua zati urteko hamabi hilabeteak zati familia-unitateko kideen kopurua egitetik ateratzen den zenbatekoa.
- b) Onuraduna bakarrik bizi denean, taulan ezarritako prezioak zuzenean aplikatuko zaizkio dagokion errenta tarteari.
- c) Adin txikikoez arduratzeari dagokionean defizita duten familiei nahiz atzera bueltarik gabeko hondatze-prozesuari aurre egiteko aldi batez laguntza behar duten pertsoneri zuzenduak direlarik etxean laguntzeko zerbitzuak dohainik izango dira, baldin eta horren aldeko txosten soziala aurkezten bada.

Bigarren tarifa: Adinekoentzako jantokien zerbitzuaren prezio publikoa.

Balorazio soziala egin ondoren zerbitzua erabiltzen dutenek ondoko baremo-taulan adierazten dena ordaindu beharko dute:

| Hileko per capita errenta | Ordaindu beharrekoa |
|---------------------------|---------------------|
| 343,42 euro edo gutxiago | 1,00 euro |
| 343,43 euro 429,28 euro | 1,38 euro |
| 429,29 euro 515,13 euro | 1,76 euro |
| 515,14 euro 600,99 euro | 2,25 euro |
| 601,00 euro 686,84 euro | 2,88 euro |
| 686,85 euro 772,70 euro | 3,50 euro |
| 772,71 euro 858,55 euro | 4,24 euro |
| 858,56 euro 944,41 euro | 4,63 euro |
| 944,42 euro edo gehiago | 4,87 euro |

Jantoki-zerbitzua aldika erabiltzen dutenek otorduko 4,87euro ordaindu beharko dute.

Hirugarren tarifa: Eguneko Arreta Zerbitzuaren prezio publikoa.

Prezioa: 285,83 euro hilean

Hilean ordaindu beharreko prezioa bitan banatuko da:

- a) Lehen zatia, hileko per capita errentaren tartearen arabera kuotari dagokio.

b) Bigarren zatia goian adierazitako moduan zehaztutako hileko kuotaren eta hileko 285,83 euroko kopuruaren arteko aldea izango da, eta horren ordainketa luzatu egin ahal izango da, zergapekoak hala eskatuz gero —ekitaldi bakoitzean indarrean dagoen diruaren legezko interesa sortuko du—.

Bi kopuruaren arteko hori Gasteizko Udalaren aldeko zortzat onartu beharko da.

| Hileko per capita errenta | Zenbat arte | Zenbatekoa | Gainerakoa, zenbat arte | Ehuneko | Gehieneko kuota (tartez tarte) |
|---------------------------|---------------|-------------|-------------------------|---------|--------------------------------|
| 343,42 euro | 0,00 euro | 0,00 euro | 343,42 euro | 8,94 | 30,70 euro |
| 429,28 euro | 343,42 euro | 30,70 euro | 85,86 euro | 14,36 | 43,03 euro |
| 515,13 euro | 429,28 euro | 43,03 euro | 85,86 euro | 16,10 | 56,85 euro |
| 600,99 euro | 515,13 euro | 56,85 euro | 85,86 euro | 21,83 | 75,60 euro |
| 686,84 euro | 600,99 euro | 75,60 euro | 85,86 euro | 23,29 | 95,59 euro |
| 772,70 euro | 686,84 euro | 95,59 euro | 85,86 euro | 24,23 | 116,40 euro |
| 858,55 euro | 772,70 euro | 116,40 euro | 85,86 euro | 25,74 | 138,50 euro |
| 944,41 euro | 858,55 euro | 138,50 euro | 85,86 euro | 26,67 | 161,40 euro |
| 1.030,26 euro | 944,41 euro | 161,40 euro | 85,86 euro | 27,36 | 184,89 euro |
| 1.116,12 euro | 1.030,26 euro | 184,89 euro | 85,86 euro | 28,19 | 209,09 euro |
| 1.201,97 euro | 1.116,12 euro | 209,09 euro | 85,86 euro | 28,98 | 233,98 euro |
| 1.287,83 euro | 1.201,97 euro | 233,98 euro | 85,86 euro | 29,79 | 259,55 euro |
| 1.373,68 euro | 1.287,83 euro | 259,55 euro | 85,86 euro | 30,60 | 285,83 euro |

Erabiltzailea bertara joan gabe egoten bada aldi batez, arrazoi justifikatuengatik, ez du kuota murrizteko eskubiderik izango lehenengo 30 egunetan. Hogeita hamaikagarren egunetik aurrera, kanpoan emandako egunei dagokien kuotaren ehuneko 40 murriztu ahal izango zaio, hala eskatuz gero.

Laugarren tarifa: ostatu-zerbitzuak

Laugarrena a): Etxe komunitario eta egoitzetako egonaldien prezio publikoa:

Prezioa: 11.844,90 euro hilean

Bi zatitan banatuko dira ordaindu beharreko prezioak:

- a)** Lehena, urteko balioespen ekonomikoaren ehuneko 75ekoa, urtean 11.844,90 euroko mugarekin —987,10 euro hilean—, baldin eta diru-sarrerak baditu, edo erraz gauza daitekeen ondarea.

Ehuneko hori aplikatzearen ondorioz ezingo da inolaz ere geratu egoiliarren esku, urtean, lanbide arteko gutxieneko soldataren % 20tik beherako diru-kopurua, bere gisa erabiltzeko.

- b) Bigarren zatia goian adierazitako moduan zehaztutako urteko kuotaren eta urteko 11.844,90 euroko kopuruaren arteko aldea izango da, eta horren ordainketa luzatu egin ahal izango da, zergapekoak hala eskatuz gero —ekitaldi bakoitzean indarrean dagoen diruaren legezko interesa sortuko du—.

Bi kopuruen arteko hori Gasteizko Udalaren aldeko zortzat onartu beharko da. Erabiltzailea bertara joan gabe egoten bada aldi batez, arrazoi justifikatuengatik, ez du kuota murrizteko eskubiderik izango lehenengo 30 egunetan. Hogeita hamaikagarren egunetik aurrera, kanpoan emandako egunei dagokien kuotaren ehuneko 40 murriztu ahal izango zaio, hala eskatuz gero.

Laugarrena b): Adinekoentzako apartamentuen zerbitzuaren prezio publikoa.

Prezioa: 284,66 euro hilean.

Hilean ordaindu beharreko prezioa bitan banatuko da:

- a) Lehen zatia, hileko per capita errentaren tartearen arabera kuotari dagokio.
- b) Bigarren zatia goian adierazitako moduan zehaztutako hileko kuotaren eta 281,85 euroko kopuruaren arteko aldea izango da, eta horren ordainketa luzatu egin ahal izango da, zergapekoak hala eskatuz gero —ekitaldi bakoitzean indarrean dagoen diruaren legezko interesa sortuko du.

Bi kopuruen arteko hori Gasteizko Udalaren aldeko zortzat onartu beharko da

| Hileko per capita errenta | Zenbat arte | Zenbatekoa | Gainerakoa, zenbat arte | Ehunekoa | Gehieneko kuota (tarte tartez) |
|---------------------------|-------------|-------------|-------------------------|----------|--------------------------------|
| 343,42 euro | 0,00 euro | 0,00 euro | 343,42 euro | 15,61 | 53,62 euro |
| 429,28 euro | 343,42 euro | 53,62 euro | 85,86 euro | 20,85 | 71,52 euro |
| 515,13 euro | 429,28 euro | 71,52 euro | 85,86 euro | 25,86 | 93,73 euro |
| 600,99 euro | 515,13 euro | 93,73 euro | 85,86 euro | 28,18 | 117,92 euro |
| 686,84 euro | 600,99 euro | 117,92 euro | 85,86 euro | 32,23 | 145,59 euro |
| 772,70 euro | 686,84 euro | 145,59 euro | 85,86 euro | 34,67 | 175,36 euro |
| 858,55 euro | 772,70 euro | 175,36 euro | 85,86 euro | 38,58 | 208,49 euro |
| 944,41 euro | 858,55 euro | 208,49 euro | 85,86 euro | 40,37 | 243,15 euro |
| 1.030,26 euro | 944,41 euro | 243,15 euro | 85,86 euro | 48,36 | 284,67 euro |

Laugarrena c): Eskusioan ematen diren zerbitzuen prezio publikoa (ostatua, mantenua eta gaua ematea)

| FAMILIA-UNITATEA | Ostatua eta mantenua (HSUZ, zainpekoak, etxe irekia) | Ostatua, mantenerik gabe (harrera, housing, salbuespenak) | Gaua ematea (Aterpe) |
|------------------------|--|---|-----------------------------|
| pertsona bat | hileko diru-sarreraren % 50 | hileko diru-sarreraren % 30 | hileko diru-sarreraren % 20 |
| 2 pertsona | hileko diru-sarreraren % 50 | hileko diru-sarreraren % 30 | hileko diru-sarreraren % 20 |
| 3 pertsona edo gehiago | hileko diru-sarreraren % 40 | hileko diru-sarreraren % 20 | |

Ehuneko hori aplikatzearen ondorioz ezingo da inolaz ere geratu erabiltzailearen esku legokiokeen DBEren —diru-sarrerak bermatzeko errenta— % 25etik beherako diru-kopurua, bere gisa erabiltzeko. Gastu pertsonaletarako, esan nahi baita.

Bosgarren tarifa: Eguneko zentroko zerbitzuen prezio publikoa.

Baremo-taulan adierazten direnak izango dira:

| Hileko per capita errenta | Zenbat arte | Zenbatekoa | Gainerakoa, zenbat arte | Ehunekoa | Gehieneko kuota (tarte tarte) |
|---------------------------|---------------|-------------|-------------------------|----------|-------------------------------|
| 343,42 euro | 0,00 euro | 0,00 euro | 343,42 euro | 16,82 | 57,76 euro |
| 429,28 euro | 343,42 euro | 57,76 euro | 85,86 euro | 19,65 | 74,63 euro |
| 515,13 euro | 429,28 euro | 74,63 euro | 85,86 euro | 27,28 | 98,06 euro |
| 600,99 euro | 515,13 euro | 98,06 euro | 85,86 euro | 28,21 | 122,28 euro |
| 686,84 euro | 600,99 euro | 122,28 euro | 85,86 euro | 28,85 | 147,05 euro |
| 772,70 euro | 686,84 euro | 147,05 euro | 85,86 euro | 30,36 | 173,12 euro |
| 858,55 euro | 772,70 euro | 173,12 euro | 85,86 euro | 31,79 | 200,41 euro |
| 944,41 euro | 858,55 euro | 200,41 euro | 85,86 euro | 33,45 | 229,13 euro |
| 1.030,26 euro | 944,41 euro | 229,13 euro | 85,86 euro | 34,96 | 259,15 euro |
| 1.116,12 euro | 1.030,26 euro | 259,15 euro | 85,86 euro | 36,39 | 290,39 euro |
| 1.201,97 euro | 1.116,12 euro | 290,39 euro | 85,86 euro | 38,01 | 323,03 euro |
| 1.287,33 euro | 1.201,97 euro | 323,03 euro | 85,86 euro | 39,31 | 356,78 euro |
| 1.373,68 euro | 1.287,33 euro | 356,78 euro | 85,86 euro | 50,42 | 400,07 euro |

1. Gehieneko muga: 400,07 euro hilean.

Erabiltzailea bertara joan gabe egoten bada aldi batez, arrazoi justifikatuengatik, ez du kuota murrizteko eskubiderik izango lehenengo 30 egunetan. Hogeita hamaikagarren egunetik

aurrera, kanpoan emandako egunei dagokien kuotaren ehuneko 40 murriztu ahal izango zaio, hala eskatuz gero.

KUDEAKETA-ARAUAK

Udaleko Ogasun Sailari dagokio araudi honetan adierazten diren prezio publikoak kudeatu eta likidatzea, Udaleko Gizarte Politiken, adinekoen eta haurren Sailari dagozkion zereginak eta ahalmenak gorabehera.

PREZIO PUBLIKOA DUTEN ZERBITZUAK ETA ORDAINTZERA BEHARTUAK

1. Zerbitzu hauek baliatzeko prezio publikoa ordaindu beharko da:

Lehen tarifa - Etxean laguntzeko zerbitzua

Bigarren tarifa - Adinekoentzako jantoki-zerbitzua

Hirugarren tarifa - Eguneko arreta-zerbitzua

Laugarren tarifa - Ostatu-zerbitzuak:

Laugarrena a - Etxe komunitarioak edo egoitzak

Laugarrena b - Adinekoentzako apartamentuak

Laugarrena c - Esklusioan ematen diren zerbitzuak (ostatua, mantenua eta gaua ematea)

Bosgarren tarifa - Eguneko zentroa

2. Eguneratu edo aldatzen ez diren bitartean izango dira aplikagarri ordenantza honetako tauletan finkatzen diren prezioak.

3. Inor ez da geldituko ordenantza honetan jasotzen diren zerbitzu publikoetatik kanpo prezio publikoei aurre egiteko baliabide ekonomikorik ez edukitzeagatik.

4. Hauek egongo dira prezio publikoak ordaintzera behartuta, ordenantza honetan arautzen denaren ildotik:

a) Zerbitzuak zuzenean erabiltzen dituzten pertsona fisikoak.

b) Zerbitzuaren erabiltzailea adingabekoa bada, guraso-ahala, tutoretza edo zaintza beren gain dutenak.

c) Pertsona nagusien kasuan, legezko ordezkari bat delarik bitartekari, hori egongo da ordaintzera behartuta, nahiz eta halakoetan ordezkatuaren errentaren eta ondarearen kontura joango den ordainketa, eta harena izango den kontuan hartuko den ahalmen ekonomikoa.

d) Modu subsidiarioan, ordaintzera behartuta egongo dira, hala egokituz gero, erabiltzaileak —60 urte betez geroztik edo zerbitzu-eskaera egin aurretiko 10 urteko aldian—, ordaintzera behartuak edo erabiltzailearen ezkontideak —edo ezkontzaren pareko harreman baten bitartez hari lotutako pertsonak— egindako doako

eskualdaketaren jasotzaile izan diren pertsonak. Eskualdatutako ondasun edo eskubideek zorra galdatzeko unean duten merkatuko balioaren zenbatekora artekoa izango da, gehienez, ordaintzeko obligazioa.

OSORIK ORDAINTZEA, HOBARIAK ETA SALBUESPENAK

1. Zerbitzua ordaintzera behartuek osorik ordaindu beharko dute prezio publikoa baldin eta nahikoa ahalmen ekonomikorik badute horretarako, nahiz eta, horren orde, prezioaren ordainketa ziurtatzeko egoki diren bermeak formalizatu ditzatela galdatu ahal izango zaien, ordenantza honetan aurreikusten diren kasuetan eta moduan.

Dena delakoek nahikoa ahalmen ekonomikoa dutela ulertuko da baldin eta "ahalmen ekonomikoa zehaztea" atalean aurreikusten denaren arabera zenbaturik, zerbitzuaren gehieneko prezioaren zenbatekoa berdindu edo gainditzen badute.

2. Ordaintzera behartuek ez badute nahikoa ahalmen ekonomikorik, hobariak jaso ahal izango dituzte, dena delako prezio publikoetan.

Nahikoa ahalmen ekonomikoa dagoela joko da dena delakoak 50.000 euroko edo hortik gorako ondare zenbakarria badu, nahiz eta kalkulaturiko ahalmen ekonomikoa aurreko tauletan aurreikusitako mugez beherakoa izan.

3. Aurreko paragrafoan aipatzen diren prezio publikoen hobariak progresibitate-printzipioa baliatuz zehaztuko dira, erabiltzailearen ahalmen ekonomikoa kontuan hartuta — ordenantza honetan ezartzen diren irizpideen arabera zenbatuta—.

4. Prezio publikoa ordaintzetik salbuetsita egongo dira erabiltzaileak harik eta ordenantza honen arabera norberaren esku geratu beharreko kopurutik beherako ahalmen ekonomikoa duten bitartean —urte osoa zenbatuta—.

5. Pertsona bera, aldi berean, eguneko zerbitzu baten eta etxez etxeko laguntza zerbitzuren baten erabiltzaile delarik, horientzat finkatutako prezioak batzetik ateratzen dena kontuan izanik, araudi honetan aurreikusi gabeko hobaria eman ahal izango du Udaleko Gizarte Politiken, adinekoen eta haurren Sailak tarifaren gainean, dena delako zerbitzuko buruak txosten arrazoitu baten bitartez hala egiteko premia justifikatzen duelarik.

Eguneko zentro baten edo eguneko sorospen zerbitzu baten erabiltzaile den pertsonari egonaldi laburreko zerbitzu bat onartzen zaiolarik, bi zerbitzuak ordaindu beharko ditu, salbu eta egonaldi laburra 7 egun naturalekoa edo hortik gorakoa bada; halakoetan, izan ere, egonaldi laburraren tarifa eta eguneko zentroko nahiz eguneko sorospen zerbitzuko prezioaren erdia ordaindu beharko du.

6. Araudi honen xede diren zerbitzuen erabiltzaileen zirkunstantzia sozio-ekonomiko bereziak direla eta, aurreko ataletan aurreikusi gabeko salbuespen edo hobaria eman ahal izango du Udaleko Gizarte Politiken, adinekoen eta haurren Sailak tarifaren gainean, dena delako zerbitzuko buruak txosten arrazoitu baten bitartez hala egiteko premia justifikatzen duelarik.

ERABILTZAILEAREN PARTAIDETZA EKONOMIKOA ZEHAZTEKO IRIZPIDEAK**AHALMEN EKONOMIKOA ZEHAZTEA**

1. Ordaintzera behartuaren ahalmen ekonomikoa kalkulatzeko, familia-unitatearen errenta —edo *per capita*— eta ondarea balioetsi beharko dira —urte osoa kontuan harturik—, kapitulu honetan ezartzen diren balioespen-irizpideak aplikatuz.
2. Ahalmen ekonomikoa kalkulatzeko, honako hauek baliatuko dira:
 - a) eskuragarri dauden azken datu fiskalei dagozkien balioak, salbu eta balio horiek aldatzea ekarri duen gertaera nabarmenen bat egokitu bada gerora, daturik berrienak hartuko baitira kontuan halakoetan.
 - b) hiri- edo landa-ondasunen kasuan, hiru hauen arteko baliorik handiena zenbatuko da: katastro-balioa, administrazioak beste zerga batzuetarako egiaztatu edo finkatutako balioa, edo eskuratze-prezio, -ordain edo -balioa.
3. Errenta
Aurreko artikuluan aurreikusitako ahalmen ekonomikoa kalkulatzeko, errenta edo diru-sarrerara zenbakarritzat joko dira lanaren ondorioz familia-unitateak urtean dituen etekin eta eskubideak, baita jasotzen duen beste edozein ere, eta, edonola ere, honako hauek:
 - a) Funts publiko edo pribatuetatik jasotzen diren pentsio eta prestazio ekonomikoak —jasotzen diren diru-sarrerara gordinak zenbatuko dira—, halakotzat joko baitira subjektu eragilea zerbitzuaren hartzailea deneko pentsioak, subsidioak, prestazio ekonomikoak eta beste edozein eskubide ekonomiko.
 - b) Norberaren edo besteren kontura egindako lanetik eskuratutako etekin osoak.
4. Ondarea
Hauek joko dira ondareztat:
 - a) Familia-unitateko kideak osorik edo partez titular diren ondasun eta eskubide ekonomiko guztiak —eskuragarri dauden azken datu fiskalak erreferentziatzen hartuta—, finantza-aktiboaren gainean eskatzen den informazioarekin osatuta.
 - b) Ekitaldi batean edo gehiagotan sortu diren kalte-ordain edo errenta kapitalizatuak.
 - c) Erabiltzaileak, familia-unitateko kideren batek edo ordaintzera behartuak dena delako zerbitzua eskatu zeneko dataren aurreko 10 urteko aldian doan eskualdatutako ondasun eta eskubideen balioa, eta, halaber, baliabidearen onuradunak 65 urte betez geroztik egindako doako eskualdaketak oro.
5. Ez dira ondareztat zenbatuko:
 - a) Ohiko etxebizitza, salbu eta aparteko balioa badu —halako aparteko balioa duela joko da 300.000 eurotik gorako katastro-balioa badu—; izan ere, halakoetan, muga horrez gaindiko katastro-balioa bai zenbatuko da ondareztat.
 - b) Ondasun eta eskubideen gaineko karga eta zergak, haien balioa gutxitzen dutenak.
 - c) Zor eta obligazio pertsonalak.

6. Familia-unitatea

1. Kapitulu honetan aurreikusitakoari dagokienez, familia-unitatearen osaera hauek hartuko dira aintzat:

a) zerbitzuaren onuraduna adinduna bada, hauek joko dira familia-unitateko kideztat:

- zerbitzuaren onuraduna bera;
- haren ezkontidea, edo legez onartutako eta behar bezala egiaztatutako ezkontzaren pareko harreman baten bitartez hari lotua;
- seme-alaba adingabeak;
- 18 urtetik gorako seme-alabak, ehuneko 65eko edo hortik gorako desgaitasuna dutelarik, baldin eta eskabidea egiten denean zerbitzuaren onuradunarekin bizi badira;
- ikasketa akademiko arautuak egiten ari diren 18 eta 23 urte bitarteko seme-alabak;

b) zerbitzuaren onuraduna adingabekoa bada, hauek joko dira familia-unitateko kideztat:

- zerbitzuaren onuraduna bera;
- gurasoak;
- adingabekoaren anai-arrebak;
- 18 urtetik gorako anai-arrebak, ehuneko 65eko edo hortik gorako desgaitasuna dutelarik, baldin eta eskabidea egiten denean zerbitzuaren onuradunarekin bizi badira;
- ikasketa akademiko arautuak egiten ari diren 18 eta 23 urte bitarteko anai-arrebak.

2. Nolanahi ere, pertsona bakoitza —dela zerbitzuaren onuraduna, dela erabiltzaile baten familia-unitateko kidea— familia-unitate bakar bateko kidea izan ahalko da.

7. Ahalmen ekonomikoa balioesteko irizpideak

1. Errentaren urteko zenbatekoari ondarearen urteko zenbatekoaren ondorengo ehunekoak gehitzetik ateratzen den kopuruaren pareko izango da ahalmen ekonomikoa —erabiltzailearen adinaren arabera aldatuko dira ehuneko horiek, ondoren zehazten den moduan—:

a) 35 urtetik beherakoak, ondarearen ehuneko 3.

b) 35 urtetik 65era bitartekoak, ondarearen ehuneko 6.

c) 65 urtetik gorakoak, ondarearen ehuneko 20. Arteen 65 urte ez badituzte ere salbuespen gisa adinekoentzako zerbitzu edo zentroetan sartzen direnei ere c) atal honetan aurreikusten dena aplikatuko zaie.

3. Prezio publikoa banako ahalmen ekonomikoaren arabera zehazten den zerbitzuen kasuan, familia-unitatearen errenten eta ondarearen batura zati kideen kopurua egitetik ateratzen den zenbatekoa izango da hori.

4. Hileko ahalmen ekonomikoa zehazteko, urteko ahalmen ekonomikoa zati hamabi egingo da.

EBAZTEA, BERRIKUSTEA ETA EGUNERATZEA**EBAZTEA**

Gizarte Politiken, adinekoen eta haurren Gaien Saileko zinegotzi ordezkariari dagokio prezio publikoetan mota guztietako salbuespenak, hobariak eta ordainketen luzapenak onartzea edo ukatzea.

Eskabidea aurkeztu duenari arrazoi nahikoz justifikatuko den ebazpena helaraziko zaio eta bertan agertuko da ebazpenaren kontra zer errekurtsio aurkez ditzakeen.

Gehienez ere 45 eguneko epean ebatzi beharko du eskabidea Udaleko Gizarte Politiken, adinekoen eta haurren Sailak, baita ebazpenaren berri eman ere, jasotzen duenetik kontatuta. Epe hori kontatzeko orduan, ez da aintzat hartuko dosierra etenda egoten den denbora, baldin eta etete horren arrazoiak eskatzaileari leporatu beharrekoak bada.

Aurreko atalean xedatutako epea igarotzen delarik berariazko ebazpenik eman ez bada, eskabidea ezetsizat jo beharko da, ebazteko obligazioa gorabehera.

Gizarte Politiken, adinekoen eta haurren Saileko zinegotzi ordezkariaren ebazpenaren kontra administrazioarekiko auzi-errekurtsioa aurkeztu ahal izango dute dela eskatzaileak dela haren legezko ordezkariak Gasteizko Administrazioarekiko Auzietarako Epaitegian, bi hilabeteko epean, jakinarazte egunaren biharamunetik, edo, aukeran, berraztertze errekurtsioa, Gizarte Politiken, adinekoen eta haurren Saileko zinegotzi ordezkariari berari zuzendua, hilabeteko epean, jakinarazte egunaren biharamunetik; horren berariazko nahiz ustezko ebazpenaren kontra, berriz, bi hilabeteko epean aurkeztu ahal izango dute administrazioarekiko auzi-errekurtsioa, Gasteizko Administrazioarekiko Auzietarako Epaitegian, errekurtsioa ezesten duen ebazpenaren berri jasotzen duten egunaren biharamunetik, edo, ebazpena ustezkoa bada, sei hilabeteko epean, ustezko ebazpen hori gertatzen den egunaren biharamunetik.

OFIZIOZ BERRIKUSTEA ETA KOMUNIKATU BEHARRA

1. Ordaindu beharreko prezio publikoak —zenbateko osoak, hobaria aplikatu ondokoak, partez salbuetsi ondokoak nahiz atzeratuak—, ofizioz berrikusi ahal izango ditu organo kudeatzaileak, edo interesdunak nahiz haren legezko ordezkariak eskaturik. Prezio publikoa aldatzea ekarri ahal izango dute berekin berrikuspen horiek — Gizarte Politiken, adinekoen eta haurren Saileko zinegotzi ordezkariaren ebazpena dela medio—, baldin eta hura zehazteko oinarritzat baliatu zen ahalmen ekonomikoan funtsezko aldaketaren bat izan dela egiaztatzen bada.
2. Hori dela eta, prezio publikoa duen edozein zerbitzuren erabiltzaileak —edo haren legezko ordezkariak— gehienez hogeita hamar eguneko epean komunikatu beharko du bizikidetzako egoeran, egoera zibilean, egoitzan, errenta edo ondare propio zenbakarrietan nahiz bizikidetzako arrazoiengatik aintzat hartu beharrekoak diren besterenetan gertatzen den edozein aldaketa, baita erabiltzaileari jarritako prezio publikoan eragina izan dezakeen beste edozein zirkunstantzia ere. Komunikatzen den hilaren hurrengoan izango ditu ondorioak prezio publikoaren eguneratzeak.
3. Aldaketa ez bada behar bezala komunikatu —aurreko paragrafoan aurreikusitako moduan—, ofizioz berrikusiko da jarritako prezio publikoa, zirkunstantzia berrietara egokitzeko. Kasu horretan, atzera eraginez aplikatu ahal izango da prezio publikoaren eguneratzea, zirkunstantzien aldaketa gertatu zen egunetik.

PREZIO PUBLIKOEN SORTZAPENA, ORDAINKETA ETA ORDAINKETAREN ATZERAPEN PARTZIALA

SORTZAPENA

Zehazten diren zerbitzuetako edozein benetan ematen hasten den egunean sortuko da araudi honetan arautzen diren prezio publikoak ordaintzeko obligazioa, eta egun

horretatik eta zerbitzua erabiltzeari behin betiko uzten zaion arte iraungo du betebeharrak horrek.

ORDAINKETA

1. Ordaintzera behartuta dagoenari ordainagiria aurkezten zaion uanean ordaindu behar dira prezio publikoak —ordainketa osoa, hobaria aplikatu ondorengoa nahiz partez salbuetsia—, bankuko helbideratzearen bitartez.
2. Ordainketaren zati bat atzeratzea onartzen den zerbitzuen kasuan, ordaintzera behartuak atzerapen hori eskatzen badu, honela jokatuko da:
 - a) Ordainagiria aurkezten zaion uanean ordaindu beharko du ordaintzera behartuak hilabete bakoitzean galdatzen zaion prezioaren parte, bankuko helbideratzearen bitartez.
 - b) Gainerako zatiaren eta sortutako interesen ordainketa zerbitzua emateari uzten zaionean gauzatuko da, salbu eta, dena delako zirkunstantziak aintzat harturik, Gizarte Politiken, adinekoren eta haurren Sailak erabakitzen badu hori baino lehenago edo geroago galdatu beharra dagoela.

ORDAINTZEKO KONPROMISOA ETA BERMEAK ERATZEA

1. Ordainketaren zati bat atzeratzea onartzen ez den zerbitzuen kasuan, zerbitzua esleitzen deneko ebazpena eman eta zerbitzua erabiltzeari ekiten zaiolarik hartutzat joko da galdatu beharreko prezio publikoa ordaintzeko konpromisoa, ez baita beharrezko izango, halakoetan, ordaintzeko konpromisoa jasotzen duen berriazko formulariorik betetzea.
2. Ordainketaren zati bat atzeratzea onartzen den zerbitzuen kasuan, atzerapen hori ez eskatzea erabakitzen bada, zerbitzura sartu baino gutxienez zazpi egun baliadun lehenago aurkeztu beharko da ordaintzeko konpromisoa, behar bezala beteta.
3. Ordainketaren zati bat atzeratzea onartzen den zerbitzuen kasuan, atzerapen hori eskatzea erabakitzen bada, zorra onartzeko dokumentuan sartuko da ordaintzeko konpromisoa:
4. Ordainketaren zati bat atzeratzea onartzen den zerbitzuen kasuan, atzerapen hori eskatu nahiz ez eskatu, egokitzat jotzen dituen bermeak eskatu ahal izango dizkie Ogasun Sailak dena delako prezioa adinako edo hortik gorako aldizkako errentarik ez dutenei — hileko zenbaketa eginez—.
5. Aurreko paragrafoan aurreikusitako kasuetan, zuzenbidean onartzen direnen arteko edozein modutan galdatu ahal izango da bermea, onartutako zorraren nahiz sor litekeenaren ordainketa bermatzeko, baita —kasu bakoitzeko zirkunstantziak aintzat harturik— Ogasun Sailak egokitzat eta nahikotzat jotzen duen beste edozein formula baliatzea erabaki ere.

Ezinezko gertatzen bada bermeak aurreikusitako moduan eratzea, agiri hauek aurkeztu beharko ditu zerbitzua eskatzen duenak:

- Zerbitzuaren erabiltzailea titular edo titular-kide deneko banketxe edo aurrezki kutxetako aurrezki libreta arrunt nahiz epeakoen eta kontu korronteen mugimenduen orria, sartzeko eskabidea egiten den egunaren aurreko azken bost urteetako datuak ageri dituen. Erabiltzaileak, edozein titulu dela medio, izan lezakeen diruzko edozein ondasunen berri jaso beharko da.
- Zerbitzuaren erabiltzailea alarguna bada, ezkontidearen testamentua aurkeztu beharko da, baita egin den banaketa-kaiera ere.
- Arabako lurralde historikotik kanpo kokatutako landa- nahiz hiri-lurreko ondasunen katastro-ziurtagiria, edo, bestela, baliabidearen erabiltzaileak izenpetutako zinpeko

deklarazioa, non Espainiako beste inongo probintzian ez ondasun higiezinik, ez ondasun higigarri nahiz higiezinaren gaineko eskubiderik ez berak ez ezkontideak edo legez eraturako izatezko bikoteko kideak ez dutela aitortzen duen.

Aurkeztutako agirien inguruko argibideak eskatu ahal izango dizkio Udaleko Ogasun Sailak zerbitzua eskatzen duen pertsonari.

Udaleko Ogasun Sailak alde aurretik berariaz baimena eman ezean zorra kitatu bitartean norberaren ondasunak ez besterentzeko eta ekonomia- nahiz ondare-eskubideei uko ez egiteko obligazioa ekarriko du berekin zorra onartzeko konpromisoak. Obligazio hori ez betetzeak, berriz, ordaintzeke dagoen diru-kopuru osoa galdatzea ekarriko du berekin, eta zorra onartzeko konpromisoaren ondorioak oro iraungitzea.

6. Bermea ondare higiezinekin eraturak bada, ondare hori identifikatzeko datu guztiak — erregistroko inskripzioan ageri diren bezala—adierazi beharko dira zorra onartzeko agirian agertu behar duen berme-motaren deskribapenean, aipaturako paragrafoan xedaturakoaren ildotik. Halakoetan, zorra Jabetzaren Erregistroan inskriba dadila galdatuko da, eta notarioaren eskritura aurkeztea.

ORDAINKETAREN ATZERAPEN PARTZIALA

1. Zerbitzu hauei aplikatuko zaie ordainketaren atzerapen partziala:

- a) Eguneko arreta-zerbitzua

- b) Ostatu-zerbitzuak

Adinekoentzako apartamentuak

Etxe komunitarioak edo egoitzak

2. Finkatutako prezio publikoa osorik ordaintzeko behar adinako baliabide ekonomikorik ez dutela egiaztatzen badute zerbitzuak ordaintzera behartuta daudenean, ordainketaren parte bat atzerako aukera baliatu ahal izango dute, eskatuz gero.

Ordainketa partez atzeratzen delarik, ekitaldi bakoitzean indarrean dagoen diruaren legezko interesa sortuko da.

3. Oro har, ez zaie onartuko prezio publikoaren ordainketaren atzerapenik guztira 15.000 eurotik gorako kopuruan erraz gauza daitezkeen ondasunak dituztenei, salbu eta delako prezioa ordainduko dela ziurtatzeko behar diren bermeak formalizatzen direlarik. Eguneko arreta-zerbitzuaren erabiltzaileei dagokienez, kopuru hori kalkulatzeko ez da zenbatuko bere erabiltzen duten etxebizitza.
4. Adierazitako prezio publikoaren ordainketaren parte baten luzapena aplikatzeko, gizarte zerbitzuen eskatzaileek edo erabiltzaileek —edo horien legezko ordezkariak— eskabidea aurkeztu beharko dute Udaleko Gizarte Politiken, adinekoen eta haurren Sailean, eredu normalizatua baliatuz, behar bezala beteta, famili unitatearen urteko diru-sarrera guztien berri ematen duten agiri eguneratuak erantsita.
5. Gizarte Politiken eta Osasun Publikoaren Sailaren zerbitzuen erabiltzaileen zirkunstantzia sozio-ekonomikoak oro baliotsi ondoren, baita modu subsidiarioan ordaintzera behartuta daudenean ere, ordenantza fiskal honetan adierazten diren hobarri, salbuespen eta luzapenak aplikatu ahal izango dira bertako tarifetan ageri diren prezio publikoaren gainean, eta, behar izanez gero, ordaintzeke geratzen den prezioaren gainerako partea gerora ordaintzeko utzi.

ZORRA ONARTZEA

1. Zentro edo zerbitzura sartu edo hura baliatzen hasi aurretik ordainketaren atzerapen partzialik egiten ez den kasuetan, baldin eta hartara sartu edo hura baliatzen hasiz geroztik dena delako pertsonaren zirkunstantzia ekonomikoetan funtsezko aldaketarik gertatzen bada, ordainketaren atzerapena eskatzeko aukera ematen dionik, une horretan formalizatu beharko da zorraren onarpena.

2. Udaleko Gizarte Politiken, adinekoren eta haurren Sailak aldez aurretik berariaz baimena eman ezean zorra likidatu bitartean norberaren ondasunak ez besterentzeko eta ekonomia- eta ondare-eskubideei uko ez egiteko obligazioa dakarkie zorra onartzeak eta horren haritik hartutako ordaintzeko konpromisoak ordaintzera behartuei. Obligazio hori ez betetzeak ordaintzaren atzerapen partziala bertan behera uztea ekarriko du, eta, une horretatik aurrera, ordaintzeke dagoen zenbateko osoa ordaintzea galdu ahal izango da.
3. Zorra onartzeko agiri eguneratua bidaliko die urtero Gizarte Politiken, adinekoren eta haurren Sailak ordaintzera behartuei, informazio gisa, eta berariaz adieraziko ditu bertan likidazio horietako bakoitzaren datan artean zor diren zenbatekoak.

ZOR DEN SALDOA JAKINARAZTEA

1. Ordaintzaren atzerapen partziala egin eta zorra onartzen den kasuetan, zerbitzua erabiltzeari behin betiko uzten zaiolarik, geratzen den zorraren saldoa jakinaraziko du Gizarte Politiken, adinekoren eta haurren Sailak ebazpen baten bitartez, dela saldoaren zordunari berari —baldin eta zerbitzua erabiltzeari ez bazaio utzi erabiltzailea hil egin delako—, dela ordaintzera behartuta dauden dohaintza-hartzaile edo oinordekoei, gehiturik saldo nagusia, sortutako interesak eta ordaintzeke edo kobratzeke dauden ordainagiriak —halakorik baldin badago—, 60 egun naturaleko epean —ebazpena jasotzen denetik— zorra likida dezaten, epe hori igarotzen delarik berandutze interesak sortuko baitira.
2. Prezio publikoaren ordaintzaren atzerapen partziala egitea posible den beste zerbitzu batean zaindu dezaten uzten badio erabiltzaile zordunak zerbitzua erabiltzeari, lehenengo zerbitzuari dagokion zorraren saldoa jakinaraziko zaio, eta bi zorrak pilatu egingo direla harik eta azken zerbitzu hori erabiltzeari uzten dion arte.

ONDAREAREN GAINKO BETEARAZPENA

Zorra kobratze aldera ordaintzera behartuaren ondarearen gaineko betearazpena baliatu beharra egokitzen delarik, ez da gauzatuko beraren etxebizitzaren gainean, berak erabili beharra badauka edo erabiltzailearen familia-unitatearen ohiko etxebizitza bakarra bada, edo ordaintzera behartuaren familia-unitatearena —erabiltzaileaz beste norbait delarik—, behar izanez gero delako etxebizitza hori tratatu edo bahitzeko aukera gorabehera.

PREZIO PUBLIKOENGATIKO ZORRAL

1. Zerbitzuaren prezio publikoa ordaindu gabe geratzen bada, bankuak ordainagiria itzultze egin duelako, dagokion zenbatekoa galdu da, eta 30 eguneko epea emango ordaintzera egiteko.
2. Aurreko puntuan adierazitako epea igarotzen delarik ez bada eskatutakoa ordaindu, premiamenduzko administrazio-prozeduraren bitartez galduko da prezio publikoa, zuzenbide publikoko kredituak biltzeari dagokionez indarrean dagoen udal araudian xedatutakoaren ildotik.
3. Behin eta berriro ez ordaintzeak dena delako zerbitzuak baliatzeko eskubidea galtzea ekarri ahal izango du berekin.

Xedapen gehigarria

Arrazoi sistematikoak direla medio indarrean dauden legeetatik nahiz horiek garatzen dituzten bestelako arauetatik ordenantza fiskal honetara aldatu diren aginduak besterik gabe joko dira aldatutzat edo ordeztutzat jatorrizko lege-arau eta araudi horiek aldatzen direlarik.

Azken xedapena

Behin betiko onespeneraren erabakia ALHAOn argitaratzen den egunaren biharamunean jarriko da indarrean ordenantza fiskal hau, eta berariaz aldatu edo indargabetu arte egongo da hala.

**“Udalbatzak 2019ko urriaren 18an egindako bilkuran onetsitako testua.
2019ko abenduaren 27ko ALHAO, 148. zk”.**